

Na osnovu čl. 4.1, 4.2. i 5.3. Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11) i člana 36. Poslovnika o radu Državne regulatorne komisije za električnu energiju (“Službeni glasnik BiH” broj 2/05), na sjednici Državne regulatorne komisije za električnu energiju, održanoj 26. marta 2014. godine, donijet je

## **ZAKLJUČAK**

### **O POKRETANJU AKTIVNOSTI NA DONOŠENJU NOVIH TRŽIŠNIH PRAVILA**

#### I

Nalaže se Nezavisnom operatoru sistema u Bosni i Hercegovini (NOS BiH) da izradi nova Tržišna pravila.

#### II

U izradi Tržišnih pravila, NOS BiH mora osigurati kompatibilnost njihovih odredbi sa rješenjima iz dokumenta “Koncept pomoćnih usluga za balansiranje elektroenergetskog sistema Bosne i Hercegovine”.

#### III

NOS BiH se zadužuje da paralelno sa pripremom Tržišnih pravila radi na pripremi dodatnih procedura i pravila potrebnih za implementaciju Tržišnih pravila.

#### IV

Odredbe Tržišnih pravila definirat će obaveze operatora distributivnog sistema u dostavi podataka i informacija potrebnih za rad NOS-a BiH.

U okviru dodatnih procedura i pravila potrebnih za implementaciju Tržišnih pravila NOS BiH će definirati konkretne podatke i informacije koje mu u propisanim formatima i rokovima trebaju dostavljati operatori distributivnog sistema, u cilju obračuna odstupanja i finansijskog poravnanja na tržištu električne energije.

Podaci i informacije iz prethodnog stava uključuju i zamjenske krivulje opterećenja za kupce u kategoriji domaćinstva i ostala potrošnja.

#### V

Ovaj zaključak stupa na snagu danom donošenja i dostavlja se Nezavisnom operatoru sistema u Bosni i Hercegovini.

Broj: 04-02-1-308-21/13

26. marta 2014. godine

Tuzla

Predsjedavajući Komisije

Mirsad Salkić